

Sead Heljić, geod. tehn.



Sredina mjeseca februara 2010. godine donijela je porodici, kolegama i prijateljima tužnu vijest da nas je zauvijek napustio naš Sead.

Heljić (Sakiba) Sead rođen je 01.08.1939. godine u Pruscu, općina Donji Vakuf, gdje završava osnovnu školu. Srednju geodetsku školu završava 1960. godine u Sarajevu. Početak radnog vijeka vezan je za poslove održavanja premjera katastarskog operata općine Jajce, a zatim i Donji Vakuf. U Općinskoj upravi za katastar Donji Vakuf je radio do 1983.godine. Nastavlja rad u struci u preduzeću Tvornica montažnih kuća i građenja „Kuće-Janj“ Donji Vakuf, radeći i širom bivše Jugoslavije, a kao uspješan geodet za svoju firmu je određeno vrijeme radio i u Iraku. U Općinskoj geodetskoj

upravi Bugojno zapošljava se 1990. godine.

Usljed ratnih neprilika sa porodicom se preseljava u Bugojno. Prerana smrt supruge Hetke donijela je tugu u Seadov život . Radost su mu donijeli unuci koje su mu podarili sin Azaudin i kćerka Aida.

Iako je odlaskom u penziju 2004. godine prestao radni odnos u katastru, Sead je aktivno nastavio rad u struci radeći kao sudski vještak pri Općinskom sudu Bugojno.

Heljić Sead je svojim zalaganjem u periodu ratnih dejstava uspješno sačuvao planove i katastarski operat Općine Bugojno. Profesionalnim odnosom prema poslu sačuvao je ugled katastra Bugojno, a svojom kolegijalnošću i odanosti svom pozivu bio je i ostat će uzor svim mlađim kolegama.

Emina Duvnjak